



Pou Piblikasyon Imedya: 28/07/2021

GOUVÈNÈ ANDREW M. CUOMO

**GOUVÈNÈ CUOMO ANONSE KE TRAVAYÈ SWEN SANTE KI TRAVAY AK
PASYAN NAN LOPITAL ETA A JERE YO PRAL GEN OBLIGASYON POU
VAKSINEN POU COVID-19 JISKA FÈT TRAVAY LA**

Tout travayè nan Eta a—anviwon 130,000—pral gen obligasyon pou vaksinen pou COVID-19; Travayè yo nan Eta a ki pa vaksinen pral gen pou fè tès; Eta New York ap travay avèk sendika yo pou mete anplas kondisyon yo san patipri epi byen rapid

Gouvènè a egzòte FDA pou akselere apwobasyon final vaksen COVID-19 la ak mete fen nan restriksyon Otorizasyon pou Itilizasyon Dijans lan

Gouvènè a egzòte gouvènman lokal yo pou egzije tout anplwaye yo vaksinen oswa fè tès

Gouvènè Andrew M. Cuomo te anonse jodi a ke travayè swen sante ki travay ak pasyan nan lopital eta a jere yo pral gen obligasyon pou vaksinen pou COVID-19 jiska fèt travay la. Pa ap gen yon opsyon pou fè tès olye pou pran vaksen pou travayè swen sante ki travay ak pasyan. Gouvènè a te anonse tou ke tout anplwaye Eta New York yo—anviwon 130,000 moun—pral gen obligasyon pou vaksinen pou COVID-19 jiska fèt travay la. Anplwaye yo nan eta a ki pokò vaksinen pral gen obligasyon pou fè tès pou COVID-19 chak semèn. Eta New York ap travay avèk kèk sendika pou mete anplas kondisyon an byen rapid ak san patipri.

"Nouyòkè yo te montre gwo devouman ak rezistans pou pote viktwa sou pandemi COVID-19 la nan eta a, men pou santaj vaksinasyon yo pa swiv rit varyant Delta a epi nou dwe aji kounye a", **Gouvènè Cuomo te deklare**. "Se poutèt sa n ap egzije tout moun k ap travay nan yon lopital eta a jere epi ki entèraji avèk pasyan pou yo vaksinen. New York ap pran yon lòt mezi nan efò vaksinasyon li yo epi egzije tout anplwaye yo nan eta a pou pran vaksen an oswa teste chak semèn, epi nou pa ka tann pou travay avèk sè ak frè nou yo nan mouvman sendikal la pou mete sa anplas byen vit ak yon fason efikas jiska Fèt Travay la. Ewo swen sante nou yo te gide chemen an pandan tout kriz terib sa a, kidonk, an nou pran vaksen, sove lavi ak pote viktwa sou bèt sa a yon fwa pou tout".

Gouvènè a te mande FDA tou pou akselere apwobasyon final vaksen an ak mete fen nan restriksyon otorizasyon pou itilizasyon dijans lan. Gouvènè Cuomo egzòte

gouvènman lokal yo tou pou egzije tout anplwaye yo vaksinen oswa fè tès jiska Fèt Travay la. Si nimewo yo kontinye ogmante, distri lekòl yo nan zòn ki afekte yo ta dwe konsidere anpil tou opsyon pou pran plis mezi.

Lopital ak enstalasyon Eta a jere yo gen ladan:

- SUNY Stony Brook
- SUNY Upstate
- SUNY Downstate
- Long Island Veterans Home nan Stony Brook
- Helen Hayes Hospital
- SUNY College of Optometry
- Montrose Veterans Home
- St. Albans Veterans Home
- Oxford Veterans Home
- Batavia Veterans Home

Eta New York kontinye ankouraje ak elaji aksè pou vaksen an, espesyalman nan kominate ki gen pousantaj vaksinasyon ki pi ba yo. Nan dat 26 jiyè, Gouvènè Cumo te anonse alokasyon 15 milyon dola ki soti nan bidjè Eta New York la pou ankouraje vaksinasyon nan kominate yo toupatou nan eta pandemi COVID-19 la te plis afekte a. Fon sa yo pral itilize pou ranfòse komunikasyon, elaji edikasyon publik ak amelyore efò sansibilizasyon ki ankou yo nan divès kominate. Gouvènè a te anonse tou yon nouvo piblisite ki egzòte Nouyòkè yo nan eta a pou pran vaksen.

Yo te pwouve ke tout vaksen kont COVID-19 ki otorize pou itilize annijans Ozetazini yo efikas anpil nan anpeche maladi grav, entène lopital ak lanmò akoz COVID-19. Efikasite vaksen ke FDA apwouve yo rete solid menm kont novo souch yo, menm kont varyan preyokipan yo tankou varyan Delta ke yo idantifye nan peyi Lend ke yo konnen tou sou non B.1.617.2. Moun ki pa pran vaksen yo gen pi gwo risk pou yo vin malad grav, se poutèt sa Depatman Sante Eta New York ankouraje tout Nouyòkè ki elijib yo pou yo pran vaksen yo osito ke yo kapab.

###

Lòt nouvèl disponib sou sit www.governor.ny.gov
Eta New York | Chann Egzekitif | press.office@exec.ny.gov | 518.474.8418

[ANILE ENSKRIPSYON OU](#)